

**Nunaoil A/S pillugu Inatsisartut inatsisissaannut nr. xx, uu. qqqq 2009-meersussamut  
siunnersuut**

**pillugu**

**Inuussutissarsiornermut Ataatsimiititaliap**

**ISUMALIUTISSIISUTAA**

**Inatsisissatut siunnersuutip aappassaaneerneqarneranut saqqummiunneqartoq**

Inuussutissarsiornermut Ataatsimiititaliaq suliarinninnermini ukuninnga ilaasortaqarpoq:

Inatsisartunut ilaasortaq, Aqqaluaq Egede, siulittaasoq, Inuit Ataqatigiit  
Inatsisartunut ilaasortaq , Niels Thomsen, siulittaasup tullia, Demokraatit  
Inatsisartunut ilaasortaq, Naaja Nathanielsen, Inuit Ataqatigiit  
Inatsisartunut ilaasortaq, Siverth K. Heilmann, Atassut  
Inatsisartunut ilaasortaq, Per Berthelsen, Siumut

**1. Siunnersummut tunuliaqutaasut imarisaalu.**

Namminersorlutik Oqartussat namminersorneq pillugu inatsisip atuutilerneqarneranut peqatigitillugu Nunaoil A/S-imi naalagaaffiup aktiatigut piginneqataassutai pisiarai, taamalu ingerlatseqatigiiffimmi kisiartaalluni piginnittuulerluni.

Taamaattorli Inatsisartut inatsisaanni atuuttumi (Kalaallit Nunaanni kulbrintisornerit isumagineqarnissaannut selskabiliornermut Inatsisartut inatsisaat) Nunaoil A/S-illu ingerlatsineranut qulliunerusumik killiliussaasumi suli nalunaarneqarsimavoq aktiatigut piginneqataassutit affaat Namminersornerullutik Oqartussanit pigineqassasut affalu allat naalagaaffimmit pigineqarlutik.

Namminersorlutik Oqartussat eqqarsaatigalugit taamaalilluni Nunaoil A/S-imi aktiatigut piginneqataassutit tamakkiisumik pigineqalernissaannut inatsisitigut killiliussassat suli (naalagaaffiup piginneqataassutaasa pisarineqarnerannit qaammat sisamat qaangiutereersut) inissinneqavinnillat.

Siunnersuutikkut matumuuna tamanna pissusissaminut inissinneqassaaq. Taamaalilluni siunnersuut akuerineqarpat kulbrintisornerit isumagineqarnissaannut selskabiliornermut Inatsisartut inatsisaat atuukkunnaarsinneqarluni piginnittuunermut pissutsinut nutaanut

naapertuuttunik Nunaoil A/S-imut quilliunerusumik killiliussanik nutaanik aalajangersaasoqassaaq.

## **2. Siunnersuutip aningaasatigut kingunerissassai**

Namminersorneq pillugu inatsisip malitsigisaanik ullanngussinik 21. juni 2009 Nunaoil A/S-imi naalagaaffiup piginneqataassutaanik pisinerup malitsigisaasa saniatigut siunnersuut immini aningaasartuuteqarfiussanngilaq.

Ukiuni missingersuusiorfiusuni Nunaoil A/S-imut aningaasalersuinissamut ukiumut aningaasartuutaanerusussat 4 mio. kr.-iunissaat naatsorsuutigineqarpoq. 2010-mut aningaasanut inatsisissatut siunnersuummi immikkut ittumik aningaasaliisoqannginnissaa siunnersuutigineqarpoq.

## **3. Ataatsimiititaliap siunnersuummik suliarinninnera**

Ataatsimiititaliap aallaqqasiutigalugu oqaatigerusuppa nuannaarutigigamiuk inatsisikkut matumuuna Kalaallit Nunaat aatsitassarsiornermut tunngasut Namminersorlutik Oqartussanit tiguneqarnissaata naammassineqarnissaanut alloriaqqimmat.

Ataatsimiititaliali maluginiarsimavaa Sulisitsisut (GA) tusarniaanermut akissuteqaamminni ilaatigut oqaatigimmassuk:

“Sulisitsisut kissaatigaat inatsimmi Nunaoil A/S-ip aqunneqarnera isummerfigineqassasoq, taamaalilluni Nunaoil A/S-ip aqunneqarneranut aatsitassarsiornermi aningaasaateqarfiup akuersissutigineqaqqammersup aqunneqarneranut piumasaqaatit aamma piumasaqaatinngortillugit. Sulisitsisut tamanna pissusissamisoortutut isigaat, tassami Nunaoil A/S uuliamik nassaartoqassagaluarpat aatsitassarsiornermi aningaasaateqarfimmuit aningaasalersuisut pingaarutillit ilagilersussaammassuk, pissusissamisuussananilu aqutsisunut piumasaqaatit assigiinngippata.”

Naalakkersuisut Inatsisileriffiannit tusarniaanermi akissuteqaammi taamatuttaaq Nunaoil A/S-ip pisortaqqarnikkut allaffissornikkullu aqunneqarnera eqqarsaatigalugit Kalaallit Nunaata Aatsitassarsiornermi Aningaasaateqarfianut Inatsisartut killiliussaasa aamma qularnaarneqarnissaat periarfissatut taaneqarpoq.

Tamanna tunngavigalugu taamatullu aamma Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata ilusilersorneqarneranut tunngavilersuutit eqqarsaatigalugit Ataatsimiititaliap kissaatiginartutut isigivaa Inatsisissatut siunnersuummi Nunaoil A/S-imut killiliussatut aalajangersakkat sukaammerneqassasut, siunnersuummi ingerlatseqatigiiffiup siulersuisuinik pisortaanillu toqqaasarneq pillugu aalajangersakkanik ilanngussinikkut Kalaallit Nunaata Aatsitassarsiornermut Aningaasaateqarfiani Namminersorlutik Oqartussat soqtigisaat illersorniarlugit malittarisassianut naapertuuttunik.

Tunngaviusumik killiliussat taakkua ingerlatseqatigiiffiup aqtsisuisa qaqgukkulluunniit ataatsimut pisariaqartunik piginnaasaqarnissaannik ingerlatseqatigiiffiup (taama aamma piginnittut; Namminersorlutik Oqartussat) soqtigisaanik naammassinnissapput. Tamanna aktiaateqarluni ingerlatseqatigiiffinnut suugaluartunulluunniit Namminersorlutik Oqartussanit pigineqartunut atuuttariaqarpoq.

Pisariaqartitsineq tamanna naammassiniarlugu siunnersummilu teknikikkut amigaatit ataasiakkaat iluarsiniarlugit aappassaaneerinninnissamut Inuussutissarsiornermut Ataatsimiitaliaq allannguutissatut siunnersuuteqarpoq. Allannguutissatut siunnersuut aalajangersakkanut ataasiakkaanut itisiliissutaasunik nassuaatitaqarpoq.

Isumaliutissiissummut ilanngussami inatsisisstatut siunnersuut Ataatsimiitaliap allannguutissatut siunnersuutai akuerineqarpata ilusissamisut ilusilik takuneqarsinnaavoq.

#### **4. Inassuteqaat**

**Ataatsimiitaliap isumaqatigiittup** inassutigaa Ataatsimiitaliap allannguutissatut siunnersuutai **akuerineqassasut.**

Tamatut oqaaseqarluni siunnersummillu siuliani nalunaarneqartutut paasinnilluni Inuussutissarsiornermut Ataatsimiitaliap siunnersuut aappassaaniigassanngortippaa.

Siulittaasoq

Siulittaasup tullia